

Saksprotokoll i Rådet for menneske med nedsett funksjonsevne - 09.12.2014

Vedtak

Uttale til fylkesrådmannen sitt forslag til budsjett 2015: Rådet for menneske med nedsett funksjonsevne vedtok å sende ein slik uttale til fylkesrådmannen sitt forslag til budsjett 2015 til alle medlemmane i fylkestinget, da denne ikkje var sendt inn i tide til å kome med i sakspapira:

«Rådet for menneske med nedsett funksjonsevne er positiv til at det nå heilt automatisk vert lagt inn midlar til tilrettelegging og universell utforming som del av alle nye prosjekt og utbetringar av fylkeskommunale bygg.

Førebyggjande arbeid og god planlegging gir som regel billigare resultat. Rådet for menneske med nedsett funksjonsevne må derfor seie seg svært nøgd med samarbeidet rådet har hatt i samband med planlegging og tilrettelegging ved bygging av Amalie Skram. Det er vorte eit svært vellykka prosjekt som er tilrettelagt og funksjonelt for alle etter eit par innspel og veldig godt samarbeid. Dette ønskjer rådet å kunne bidra med i alle nye prosjekt framover, og på alle områder der Hordaland fylkeskommune skal levere gode tenester til våre brukarar.

Rådet for menneske med nedsett funksjonsevne ønskjer derfor at alle etatar, også innunder samferdsel, kultur og idrett, at tilrettelegging for alle vert vektlagt i planleggings- og anbodsprosesser, samt val av leverandørar.

Rådet for menneske med nedsett funksjonsevne ber også om at det i budsjetta framover vert satt av midlar til dei som får forlenga reisetid får refundert sine ekstra reiseutgifter som følgje av endringar i Klinikstrukturplan for Tannhelsetenestane 2015-2030. Rådet er bekymra for at menneske med nedsett funksjonsevne ikkje vil kunne nytte seg av desse helsetenestene dersom ikkje kostnadane med reisa vert dekkja i sin heilheit. Rådet vil foreslå at dei som har fått innvilga TT-kort og ikkje kan nytte vanlig kollektivtilbod, er kvalifisert til å få dette dekkja. Rådet vil påpeke at TT-kort-ordning er for fritidsreiser og skal ikkje påleggast å nyttast til behandlings/helsetenester.

Ved en inkurie er ikkje denne uttala sendt vidare- vert sendt til fylkestinget etter avtale i dagens møte i rådet for menneske med nedsett funksjonsevne.»

Tilgang til tannklinikk på Nesttun: Rådet for menneske med nedsett funksjonsevne vedtok å sende slikt svar til fylkesdirektør for tannhelse angående tilgang til tannklinikk på Nesttun:

«Rådet for menneske med nedsett funksjonsevne vil be om at reiseutgifta vert dekkja da menneske med nedsett funksjonsevne ikkje kan nytte seg av tannhelsetenester på Nesttun grunna manglande tilrettelegging. Dette bør gjelde inntil det er avklart om klinikken skal lokaliserast i Fana bydel i høve til strukturplanen, eller til manglande for tilgjengelegheit ved Nesttun er utbetra.

Rådet for menneske med nedsett funksjonsevne oppmodar om at det ved ny forhandling av leigeavtale på Nesttun føreset at tilgjengelegheit for menneske med nedsett funksjonsevne utbetra og eventuelt vert sett som vilkår i leigeavtalen.»

Anbodsprosess for ferjer: Rådet for menneske med nedsett funksjonsevne vedtok å be administrasjonen om ein oversikt over anbod som vert aktuelle i næraste framtid, samt om å få ein orientering om desse i møtet 04.02.2015.

Kulturavdelinga og rundebordsdiskusjon: Rådet for menneske med nedsett funksjonsevne vedtok å be administrasjonen om å følgje opp rundebordsdiskusjonen med kulturinstitusjonar om tilskodarar med nedsett funksjonsevne.

Temadag 2015: Rådet for menneske med nedsett funksjonsevne vedtok å oppretthalde dag to av den planlagde konferansen, 12.03.2015, men å oppmode alle dei kommunale råda om å delta på Husbanken si konferanse: Universell utforming – neste generasjon på 11.03.2015. Konferansen til rådet vil da byrje med ein middag den 11.03.2014. Rådet vedtok og følgjande tema og innleiarar:

- Paneldebatt med dansk designar av det danske huset for funksjonshemma sine organisasjonar, arkitekturpsykolog Halvard Skjeveland og andre.
- Teknisk planleggarar frå Bergen kommune: Nye bygg, søknadar, problem, løysingar, kva fokus.
- Regjeringspolitikar: Kva er regjeringa si visjon for universell utforming og dei måla som har vore satt tidlegare.
- Fylkesmannen: Kva er status quo når det gjeld universell utforming i Hordaland?
- Eigedomsseksjonen i Hordaland fylkeskommune: planer og status quo.

Tittel på konferansen vert Universell utforming – tilgjengelegheit for nokre, hinder for andre?, og det vert inga eigenandel for deltaking.